

繼胡子金先生韻

修行非易亦非難薄外頓真認內閑熾炙火坑急出離清涼道  
岸早躋攀常觀無欲通立理妙趣虛無絕愛慳清淨無爲全在  
志存心握固寂寥間

寄姚先生

受人欽重是譚哥結罪重重在網羅省過悔前孽自少知愆不  
改罪還多心生貪好招災甚意着浮華積罪過損損存存低下  
做未知賢聖肯饒麼

藏頭拆字

其一

道藏輯要

水雲集

八 四集五

袍布素理幽機甲金庚鍊玉飛氣相交須換殼丹運就復更衣  
開真性頭頭是悟元初種種非姪處名師叔鈺蓮四朶步雲歸

其二

頭浩浩湧靈泉湛澄澄照上天道要除情與慾忘境滅積功千  
分把握休邪覓本元初合自然鍛鍊成無價寶京重會害風仙

其三

兀騰騰任自然中涌出白花蓮朝鍛鍊無窮寶志真修合上天  
道割除情慾斷刀劈破孽因緣頭莫向靈源掛結神胎管得元

七言絕句

遊華山

糲食麤衣度歲華白雲高臥隱烟霞心香福炷靈源起定觀蓮  
峯十丈華

在淇門鎮爲眾人每日求藥因此作

智術多能巧作愚無爲守一養靈珠脩然頓覺塵勞夢獨飲無  
生酒一壺

詠孤竹

一竿碧玉出芳叢直節虚心眾莫同耐雪欺霜堅歲月自然時  
復有清風

詠月桂

綠葉柔莖結翠紅精神朶朶弄晴風歲寒堅耐同松竹盡占年

道藏輯要

水雲集

九

胃集五

光造化功

詠鶴

停停獨立對秋風黑白分明造化功休訝得延千紀壽爲他頂  
上結丹紅

三教

三教由來總一家道禪清靜不相差仲尼百行通幽理悟者人  
人跨彩霞

述懷

不會搜空向外尋蛟龍猛虎倒顛擒朝昏懶慢修香火十二時  
中只禮心